

Oficina en Xinzo-Ponteareas
Centro Cultural de Xinzo
36891 PONTEAREAS
Tel. e Fax: 986 660 864
afgxinzo@iies.es

Oficina en As Pontes
Avda. de Ortiñeira, nº 49, Ba
15320 AS PONTES
Tel. e Fax: 981 440 537
afgpontes@iies.es


Sede Central
Rúa do Villar, nº 33, 1º
15705 SANTIAGO DE COMPOSTELA
Tel.: 981 564 011
Fax: 981 563 379
asforgal@iies.es

Os aproveitamentos enerxéticos nos montes galegos deben contribuir á súa capitalización



Aproveitamento da biomasa forestal primaria con fins enerxéticos

II. Organización dos propietarios do recurso



Aproveitamento da biomasa forestal primaria con fins enerxéticos

II. Organización dos propietarios do recurso

Ata hai pouco tempo, a biomasa forestal primaria era considerada un residuo forestal do que o propietario forestal se tiña que desfacer, e incluso moitas veces pagar para facelo a fin de diminuír o risco de incendio da súa propiedade e das propiedades veciñas. Coa aparición de mercados de aproveitamento da biomasa forestal con fins enerxéticos, a biomasa forestal deixa de ser considerada un residuo, pasando a constituír un novo recurso forestal capaz de mellorar a rendibilidade dos montes e de contribuír á súa xestión sostible. Non obstante, para que isto sexa posible, é preciso que se dinamice o mercado da biomasa forestal con fins enerxéticos e que o propietario forestal teña unha participación activa no proceso deste aproveitamento.



Beneficios para os propietarios do aproveitamento da biomasa forestal primaria

Ademais das vantaxes do emprego dunha fonte de enerxía renovable, o emprego enerxético da biomasa forestal primaria ten outras vantaxes para o propietario forestal:

- Representa unha nova fonte de rendas
- Diminúe o risco de incendios e pragas
- Incrementa o abano de prezos para os produtores forestais
- Posibilita a participación en iniciativas empresariais
- Asegúrase o consumo da biomasa que producen os montes

Organización dos propietarios forestais

Para que o mercado da biomasa forestal primaria se desenvolva plenamente, debe xerar un beneficio empresarial que lles permita aos produtores organizarse, de forma que estes garantan un subministro estable e continuo aos centros consumidores de biomasa. Para isto téñense que dar as condicións favorables para que os propietarios forestais poidan actuar activamente no mercado. As asociacións de propietarios forestais e as súas organizacións son os axentes mellor situados no territorio para chegar a acordos cos operadores e coa industria de transformación enerxética.

Adaptación da silvicultura ó aproveitamento da biomasa

Para que os silvicultores poidan aumentar as súas rendas coa biomasa forestal primaria, é necesario que se realicen adaptacións na silvicultura que se practica actualmente.

Proximidade dos centros de consumo de biomasa ao monte

Para conseguir unha maior eficiencia enerxética é necesario reducir os desprazamentos para o transporte da biomasa ata as centrais e outros centros consumidores. Estes deben ser instalados o máis preto posible dos lugares de orixe da biomasa forestal primaria, ou o que é o mesmo, do monte. Desta forma diminúen as emisións de CO₂ e os custos de transporte. O beneficio económico derivado da diminución dos custos de transporte pode así reverter nos propietarios sen aumentar o prezo de compra da biomasa polos centros consumidores.

Participación dos propietarios forestais no desenvolvemento da biomasa forestal primaria

A participación empresarial dos propietarios posibilita que haxa unha oportunidade para que estes adquiren mellores beneficios económicos, de forma que poidan cubrir o seu custo de explotación e reinvestir nos montes.